

2014-mi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

ILASSUTITUT ISUMALIUTISSIISUTAA

Inatsisissatut siunnersuutip pingajussaaneerreqarnerani saqqummiunneqartoq

Aningaasaqarnermut Akileraartarnermullu Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Jens Imanuelsen, Siumut, siulittaasoq

Inatsisartunut ilaasortaq Steen Lyngge, Atassut, siulittaasup tullia

Inatsisartunut ilaasortaq Jess Svane, Siumut

Inatsisartunut ilaasortaq Tillie Martinussen, Demokraatit

Inatsisartunut ilaasortaq Naaja Nathanielsen, Inuit Ataqtigiit

Inatsisartunut ilaasortaq Sara Olsvig, Inuit Ataqtigiit

Inatsisartunut ilaasortaq Peter Olsen, Inuit Ataqtigiit

Ulloq 15. april 2015-imi siullermeerinninnerup kingorna ataatsimiititaliap siunnersuut misissorpaa.

Imarisaanut nalunaarsuut:

1. *Aallaqqaasiut* 3
2. *Oqaasertaliussanik allannguinerit (inatsisissatut siunnersuummi § 2)*..... 3
3. *2014-mi aningaasaliissuteqarnissamik suliassanut ataasiakkaanut oqaaseqaatit* 3
4. *Aningaasaqarnermut Akileraartarnermullu Ataatsimiititaliap kaammattuutai* 4
5. *Aningaasaqarnermut Akileraartarnermullu Ataatsimiititaliap inassuteqaatai*..... 4

Ilanngussat

- Ilanngussaq A Aningaasaqarnermut Akileraartarnermullu Ataatsimiititaliap suliaq 14-662, 14-675, 14-678 aamma 14-679 pillugit apeqqutai Naalakkersuisullu allakkatigut akissutaat.
- Ilanngussaq B Naalakkersuisut allannguutissatut siunnersuutaat 2014-imi ilassutitut aningaasaliissutitut inatsisissatut siunnersuutip aappassaaneerpeqarnerani saqqummiunneqartut.

1. Aallaqqaasiut

Inatsisartut 2014-mi ilassutitut aningaasaliissutitut inatsisissaattut siunnersuut Aningaasaqarnermut Naalakkersuisumit Inatsisartut 2015-imi upernaakkut ataatsimiinneranni saqqummiunneqarpoq. Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Ataatsimiititaliaq siunnersuutip aappassaaneernejarnissaanut ull. 11. april isumaliutissiissuteqarpoq. Tassunga atatillugu ataatsimiititaliaq allakkatigut akissassatut Naalakkersuisunut arlalinnik apeqquteqarpoq. Piffissakinneq pissutigalugu Naalakkersuisut akissutaasa suliarinissaannut piffissaqartinneqarnerunissani ataatsimiititaliap kissaatigaa isumaliutissiissumminilu inassutigalugu immikkoortoq pingajussaaneernejannginnermini Aningaasaqarnermut Akileraartarnermullu Ataatsimiititaliamut suliarineqartussanngorlugu innersuunneqassasoq. Ataatsimiititaliap apeqqutai Naalakkersuisullu akissutaat isumaliutissiissummut uunga **ilanngussaq A-tut** ilanngunneqarput.

Aappassaaneerinninnerup kingorna inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik pingajussaaneerinninnissaannut ilassutitut isumaliutissiissuteqarluni.

Taama oqaaseqarluni Aningaasaqarnermut Akileraartarnermullu Ataatsimiititaliaq inatsisissatut siunnersuutip pingajussaaneernejarnissaanut matumuuna isumaliutissiissuteqarpoq.

2. Oqaasertaliussanik allannguinerit (inatsisissatut siunnersuummi § 2)

Oqaasertaliussat marluk inatsisissatut siunnersuummi ilanngunneqarput. Oqaasertaliussat akuerineqartut taakku 2014-imi aningaasanut inatsimmi oqaasertaliussat taamaaqataat taarserpaat/ilasuserpaat. Taakku marluk Aningaasaqarnermut Akileraartarnermullu Ataatsimiititaliap akuersisuteqarnera tunngavigalugu ilanngunneqarput. Oqaasertaliussamulli ilassut Nukissiorfiit 2014-imi inaallagissamut, imermut kiassarnermullu akigititaanut tunngasoq ataatsimiititaliamit suliaq nr. 14-654-imi akuerineqartoq amigaataasoq ataatsimiititaliap aappassaaneerinninnissamut isumaliutissiissummini eqqumaffigeqquaa. Tamanna pillugu ataatsimiititaliamit naatsorsuutiginninneq naapertorlugu oqaasertaliussamik amigaataasumik imaqartunik Naalakkersuisut siunnersuutip aappassaaneernejarneranut saqqummiussipput. Takuuk isumaliutissiissummi uani **ilanngussaq B.**

Aningaasaqarnermut Akileraartarnermullu Ataatsimiititaliap inassuteqarnissani inatsisissatut siunnersuutip pingajussaaneernejarnissaanut kinguartimmagu, tamatuma kingunerisaanik allannguutissatut siunnersuut taaneqartoq pingajussaaneerinninnermi taasissutigineqassaaq.

3. 2014-mi aningaasaliissuteqarnissamik suliassanut ataasiakkaanut oqaaseqaatit

Aningaasaliissuteqarnissamik qinnuteqaatit pillugit sulianut ataasiakkaanut ataatsimiititaliaq matuma kingulianiittunik oqaaseqaateqassaaq. Ataatsimiititaliap apeqqutaanut apeqqutaanut Naalakkersuisut akissutaat ataatsimiititaliamit suliarineqarput, tak. ilanngussaq A. Akissutit taakku

ataatsimiititaliamit tusaatissatut tiguneqarput siunnersuutillu matuma pingajussaaneernejarneranut atatillugu taakkununga allanik apeqqtissaqarani.

4. Aningaasaqarnermut Akileraartarnermullu Ataatsimiititaliap kaammattuutai

2014-mi ilassutitut aningaasaliissutitut inatsisissatut siunnersuummik kiisalu Naalackersuisut aningaasaliissutitut allannguutissatut siunnersuutaannik suliarinninnermini taakkunangalu malitse-qartitsisarnermit misilittakkani tunngavigalugit Naalackersuisunut **kaammattuutinik** arlalinnik ukuninnga saqqummiussinissaminut Aningaasaqarnermut Akileraartarnermullu Ataatsimiititaliap pissutissaqarsorivoq:

Kaammattuut nr. 1

Aningaasat Sanaartugassanut Iluarsagassanullu Aningaasaateqarfimmi atornejaratik uninngaan-nartussaasut ilisimagaluarlugu aningaasanik qinnuteqartoqartaqqunagu sanaartugassanut aningaasa-liissutinik atuinissamik piviusorsiorturnik missingersuusiortarnissamik qulakkeerinninniarnerninik Naalackersuisut ingerlatsiinnarnissaat Aningaasaqarnermut Akileraartarnermullu Ataatsimiititaliamit kaammattuutigineqarpoq.

Kaammattuut nr. 2

Missingersuutit pillugit Inatsisartunut akuttunngitsumik ilisimatitsissutinik nassiussisarnerit Naalackersuisut piaartumik ingerlateqqilissagaat Aningaasaqarnermut Akileraartarnermullu Ataatsimiititaliamit kaammattuutigineqarpoq.

Kaammattuut nr. 3

Ilaatigut sullissinissamik isumaqatigiissutit aqutugalugit tapiissuteqartarneq pillugu ilassutitut aningaasaliissuteqarnissamik qinnuteqaatinik piffissaq eqqorlugu pilertortumillu nassiussisarnissaq nalinginnaasumik qulakkeerinniffigeqqullugu Naalackersuisut Aningaasaqarnermut Akileraartarnermullu Ataatsimiititaliamit kaammattorneqarput, taamaalilluni qinnuteqaatit taamaattut siumut sunnuteqartussanngorlugit akuerineqarsinnaaqqullugit.

5. Aningaasaqarnermut Akileraartarnermullu Ataatsimiititaliap inassuteqaatai

Paasinnineq ilassutitut isumaliutissiisummi uani aammalu aappassaaneerinninnissamut isumaliutissiisummi allassimasoq aammalu nangaassutit naatsorsuutigisallu isumaliutissiisutini taaneqartut naapertorlugit inatsisissatut siunnersuut aammalu ilanngussaq B naapertorlugu Naalackersuisut allannguutissatut siunnersuutaat akuersissutigineqassasut Aningaasaqarnermut Akileraartarnermullu Ataatsimiititaliap isumaqatigiittup inassutigaa.

Taama oqaaseqarluni Inatsisartut Aningaasaqarnermut Akileraartarnermullu Ataatsimiititaliaata Inatsisartut 2014-mi ilassutitut aningaasaliissutininut inatsisissaattut siunnersuut pingajussaanii-gassanngortippaa.

Jens Immanuelen,
siulittaasoq

Steen Lynge

Jess Svane

Tillie Martinussen

Naaja Nathanielsen

Sara Olsvig

Peter Olsen